

東
華
續
錄

東華續錄

嘉慶四十

臣王先謙敬編

臣周瀚蕃恭校

秋七月庚寅諭昨查鈔太監林表什物內有都司高明德名條當交刑部提訊林表據供向來圓明園營汛都司到任俱用名條來拜總管及花洞首領係相沿舊規等語我朝綱紀肅清太監人等從不准與外廷官員結交來往高明德身係營員與內監毫無交涉事件乃持帖往拜實屬多事本應交部治罪念係歷任相沿不自高明德始姑從寬免究著步軍統領左右翼總兵通飭各營員槩不准與內監投刺往來自飭禁之後如再有違犯者必當從重治罪並將失察之步軍統領總兵等懲處不貸○甲午以勦辦四川逆番事竣提督多隆武總兵官羅思舉下部議敘○戊戌諭本

月十五日恭祭 裕陵經朕特派儀親王永璇前往行禮因本年

係儀親王七十壽辰祭後並可藉展私忱在 皇考高宗純皇帝

及附葬之 淑嘉皇貴妃前虔申叩謁儀親王備悉朕意深爲感

激懇請先期於初十起程儀親王自乾隆年間在內廷時屢充祭

陵差使豈不知起程均在寅卯之間至遲不逾辰刻昨據儀親

王奏稱初十日午刻始行起身已失誠敬之義况雨勢漸大必應

及早渡河趕至煙郊乃住宿通州次日至通州北門外河水業已

漲發其同時派出之鄭親王烏爾恭阿等俱因初十日早閒陰雨

趕緊行走於河水未發之前已經渡河儀親王起行遲緩之咎無

可辨矣迨十一日不能過渡卽應於十二日差人齎摺據實奏明

其應否另派員行禮之處候旨飭遵仍一面在彼守候俟河水消

落立即過行方合敬事之義乃儀親王並不差人具奏請旨率行

回京並自向明亮告知行文貝勒永琿代爲行禮實屬悻幸本應革去親王降爲郡王念係朕長兄年已七十朕心實不忍加以重譴著將伊子縣志前賞加郡王銜及賞加歲俸銀一千兩俱行革去仍照貝勒品級支領原俸其議罰親王俸十年之處加恩改爲五年用示薄懲至景綸甫經襲爵當差經朕派令致祭 端慧皇太子因寢其到通州已在儀親王之後旋即隨同回京甚屬懶惰不堪雖復行轉回無論趕到致祭與否均難寬恕景綸無庸罰俸著革去公爵降爲四品閒散宗室其應襲公爵著宗人府照例辦理○己亥刑部奏審擬林表等一案得旨此案林表林顯林媽定均係盛灣逆匪林達之子例應緣坐林表林顯因年未及歲解京開訓充當內監本屬免死之犯理宜安靜守法乃喚令伊弟林媽定來京又擅留伊戚劉碧玉在花洞居住將大內膳單戲單聽其

攜至臺灣借勢招搖林媽定漏網倖免緣坐林表等輒爲娶妻冀圖生子延後林媽定復將劉碧玉留給噶瑪蘭田簿託人打點種種不法林表林顯林媽定均著照律斬監候歸入本年朝審情實辦理已革侍衛林寅登身係職官與林表等往還並將林媽定所交噶瑪蘭田簿攜回寓所不行送官究辦僅擬杖流尙覺輕縱林寅登著改發伊犁俟劉碧玉等解到質訊後再行發遣已故織造和明之子內務府員外郎慶琛會給林顯紗料候補主事普琳於林媽定過蘇州時付給銀三十兩均屬不合慶琛著降爲主事普琳著降爲筆帖式餘依議○癸卯 上啓鑾秋獮木蘭○免經過地方額賦十分之三○辛亥 上駐蹕避暑山莊

八月甲寅予死事山東定陶縣知縣賀德瀚典史孫世縉世職○壬戌諭軍機大臣等方受疇奏設法嚴拏紅鬍匪徒一摺豫省汝

光一帶紅鬍捻子手等擾害地方必應嚴拏懲辦惟用兵力剿捕則斷無此辦法該匪徒等當販私肆掠時自必聚集多人肆行不法至其平時仍散處村莊自附齊民非如邪匪等勾結夥黨聚而倡亂者可比此時若徵兵掩捕伊等必聞風逃逸及至撤伍後仍復出而爲匪是調兵一節不特事涉張皇亦於捕務實無裨益此事全在地方官時刻密訪嚴拏遇案卽辦重法嚴懲日久不懈匪徒自漸就斂或選派文武幹員自帶兵役於要隘處所專駐巡防事尙可行至署息縣知縣朱邦達署新蔡縣知縣楊廷陞既能認真緝捕著照所請該二員遇有汝光所屬知縣不論繁簡缺出准其儘先揀補其紅鬍匪犯劫掠姦淫情罪本重昨已降旨令刑部倣照各省辦理囑匪之例加重另立專條奏明頒發遵行該省嗣後審擬紅鬍等項匪犯卽照新例審擬並准專摺具奏○乙丑

貴慶以疾免以永祚爲盛京刑部侍郎

由左副都御史遷

○戊辰 上自

避暑山莊巡幸木蘭行圍○丁丑廣厚卒以巴哈布爲湖南巡撫

訥福爲湖北布政使調習振翎爲山西按察使以李廣芸爲福建

按察使

由汀漳龍道遷

○己卯諭軍機大臣等向來京城發遣之犯皆奉

旨後卽日起解出都雖大員獲罪擬遣者亦從不敢耽延乃近日

外省發遣人犯竟有藉詞遷延遲至一年半載尙未起解者殊屬

怠玩著兵部刑部堂官會同查明舊例如原定例限本寬卽酌改

加緊押令迅速起程不許藉詞逗留以杜捏飾○庚辰諭本年春

夏閒據湖北江西安徽江蘇等省各督撫先後奏報拾獲匿名揭

帖字體怪異語句悖逆上印九龍木戳共有十餘紙此等不法之

徒敢於光天化日之下編造逆詞散播數省煽惑人心實屬罪大

惡極節經飭令各督撫一體嚴緝速獲逆犯以正刑誅茲據百齡

派委文武員弁先於和州地方緝獲散布逆帖人犯嚴士隴究出
偽造逆詞首犯方榮升卽於巢縣拏獲並於窩藏方榮升之朱上
信家起獲九龍木戳及偽造時憲書違悖經卷字蹟四箱所辦甚
好百齡督緝認真能將逆犯訪明蹤迹嚴密捕獲實屬可嘉著加
恩賞復太子少保銜並給還雙眼花翎仍交部議敘其首先訪出
逆情之已革知縣萬承紀著加恩以知州補用拏獲首逆方榮升
之副將鮑友智並拏獲逆黨嚴士隴及描刻木戳匠人王泳興之
副將慶廉俱著賞加總兵銜並賞戴花翎仍交軍機處記名其餘
拏獲逆犯各員弁經朕圈出者著百齡查明分別保奏再降恩旨

○辛巳以玉輅爲甘肅按察使

由翰林院侍讀學士遷

九月己丑 上駐蹕避暑山莊○辛卯諭軍機大臣等據成甯奏

塔什密里克回匪攷牙墩勾引布魯特等焚燒馬廠戕害官兵永

芹帶領官兵及回兵追捕賊眾奔竄出卡逃往偽塔克地方固守
永芹在附近回莊山僻等處接捕餘匪令侍衛副護軍參領永明
等帶兵與回兵協剿見拏到逆匪訊據供稱孜牙墩於十九年二
三月間卽說要奪南八城作王子等語成甯見已年老亦未經歷
戎行此事專交松筠辦理卽迅速馳往喀什噶爾兼署參贊大臣
事務到彼後如孜牙墩尙未就獲卽先檄催圖爾第邁莫特上緊
追剿如兵力不敷卽飛催富永等速帶伊犁精銳兵五百名前來
合剿孜牙墩就擒後卽在喀什噶爾審訊凌遲處死梟示其隨同
謀逆者皆按律斬決俾邊圉回眾共知儆畏再此案孜牙墩潛蓄
逆謀已久所有十九年二三月以後喀什噶爾之參贊大臣等均
有失察之咎著松筠查明一併嚴參成甯於事竣後卽令自備資
斧來京聽候部議永芹身係宗室曾充乾清門侍衛且年力方壯

伊既親身帶兵追賊乃並未出卡藉接摺爲名在中途駐紮實屬畏蕙無能著卽革職自備資斧回京無庸留彼效力○壬辰上自避暑山莊回鑾○癸巳以孳獲首逆方榮升賞兩江總督百齡三等男賜其子六品蔭生扎拉芬五品蔭生○己亥上還京師○諭本年八月十五日密雨半日次早雨止朕啓蹕巡幸木蘭於將啓行時莊親王絲課忽令奏事太監奏稱二道河副橋座已被衝塌正橋座見已過水一尺有餘蒙古王公等聞有此言遂籲懇暫停進哨明係嘗試朕降旨嚴飭卽乘馬渡橋河水尙低於橋面尺餘橋座亦甚穩固策馬直抵中關因命軍機大臣詢問絲課據稱係由熱河道明山報知及傳訊明山僅向絲課告知便橋欹斜並未報有正橋過水情形秋獮肄武緩藩爲我朝家法朕恪謹遵循今絲課因河水微長輒造浮言妄希阻止若係滿洲蒙古大

臣必立予罷黜加以板責念伊爵係親王姑從寬讓前僅罰俸以示薄懲但縣課如此畏葸豈可表率內廷且一應差使亦俱生疏實不勝御前大臣之任著革去御前大臣並領侍衛內大臣管國大臣總理行營無庸在裏邊行走其餘所管事務仍著留任以觀後效縣課所出御前大臣領侍衛內大臣二缺仍著定親王縣恩補授其總理行營管國大臣著奕訢補授明歲春巡秋獮俱令奕紹隨扈前往 祖 考成憲朕不敢違亂政務言朕不能聽將此旨通諭皇子皇孫各衙門各該承辦毋忽○前任喀什噶爾參贊大臣成富等奏送回孜牙坡就擒回莊照常安業得旨嘉獎○癸卯以多山爲左副都御史由通政使遷○甲辰調玉輅爲江西按察使以屠之申爲甘肅按察使由直隸大名道遷○乙巳諭秋審朝審情實人犯舊例凡三覆奏本沿古者三司三宥遺意我朝欽恤民命凡案

犯供情原委備載招冊每年黃冊進呈早經反復推求慎之又慎實不止於三覆其科臣循例題本僅屬具文是以乾隆十四年將直省秋審改爲一覆奏朝審與秋審事同一律嗣後朝審亦著改爲一覆奏已足以存舊制至向來覆奏之本皆於黃冊呈進後隨即奏上距旬到之時甚遠嗣後黃冊仍於八月中旬呈進其秋審朝審覆奏之本皆於本省旬到前五日覆奏一次朕披閱時再同黃冊詳加酌覈以昭慎重著爲令○丁未張暉吉以年老命留京以明山爲浙江按察使

由直隸熱河進遞

冬十月庚申召大學士松筠回京以長齡爲伊犁將軍○癸亥命直省督撫提鎮甄別衰老屬員○山西河東運城及解州等屬地震命衡齡撫卹之並命那彥寶往勘○丁卯河南陝州等屬地震命方受擘撫卹之○辛未諭朕恭閱 世祖章皇帝實錄內載順

治十年 諭旨睿王墳園因伊罪竟行廢壞似屬太過其房屋門

牆俱著修理柱用黑色仍命信郡王撥人看守欽此嗣於乾隆年

間仰蒙 皇考高宗純皇帝錄念舊勳特加昭雪復遣睿忠親王

故爵世襲罔替其墳園規制如伊家業已改修則已若仍沿用黑

柱著加恩令其遵照親王規制一體修復用示朕追念宗勳之意

○壬申諭翁元圻奏訪獲西洋人潛至內地傳教訊明大槩情形

一摺此案蘭月旺以西洋夷人潛入內地遠歷數省收徒傳教煽

惑多人不法已極著翁元圻嚴切訊究審明後將該犯問擬絞決

奏明辦理其供出之犯按名查拏務獲並飛咨各該省一體嚴緝

究辦未陽縣知縣常慶查緝認真於此案辦竣後送部引見再行

施恩○丙子諭明春朕恭謁 西陵回鑾時蹕路經由北惠濟廟

拈香因憶故大學士朱珪墳塋在該處附近面諭那彥成查明如

相距御道五里以內卽親往賜奠若在五里以外卽遣官前往茲據那彥成覆奏查看在御道四里以內屆期朕由黃新莊至北惠濟廟紆道親臨賜奠用達眷懷舊學之意其經由道路著那彥成派員修治先行繪圖具奏

十一月丁亥以失察致牙墩謀逆降喀什噶爾參贊大臣成甯三

等侍衛爲烏什辦事大臣幫辦大臣永芹三等侍衛爲喀喇沙爾

辦事大臣○以喜明爲理藩院右侍郎

由副都統銜遷

○己丑諭軍機大

臣等蔣攸鋇等奏查明洋商拖欠夷人貨帳銀兩業經停利歸本

請勒限分年清還一摺此項洋商節年拖欠夷人貨帳銀兩據該

督等查明各行欠項自嘉慶十七年至十九年共還過銀一百三

十萬兩零見尙欠夷帳一百六萬兩按照欠數多寡分定年限歸

還該商等經此次清釐之後自遵照定限一律清還毋令再有拖

欠惟是該夷人以貨易貨乃釐斷盤剝任令疲商賒欠卽明知有不得過十萬之舊章朦朧匿報亦應嚴行飭禁近年內地銀兩爲外夷貿易攜去者動逾百萬日久幾同漏卮著該督撫及該監督留心稽察如外夷有以奇巧貨物攜至洋行私行留用此等物件飢不可食寒不可衣令其將中土財貝潛就消耗太覺不值殊爲可惜果能實力禁絕該夷人等知內地不寶異物不能行銷則來者漸少易去銀兩亦必日減亦節財流之一道也○壬辰以齊布森爲左副都御史由太僕寺卿遷○乙未諭軍機大臣等御史盧浙奏直隸省官荒地畝並各項入官地畝積案久延請旨敕令總督遴員查辦一摺直隸天津豐潤青靜海滄鹽山任邱寶坻甯河九州縣馬廠官荒地六萬五千八百餘頃豐甯縣馬廠入官地五千餘頃及旗員鈔產入官並入官抵項私典入官地畝未經辦結者共一

百九十六案屢經戶部奏准降旨飭令該督等委員勘丈召墾升科乃因循已久有閱十餘年或數十年尙未勘報者實屬怠玩疲懈若係官吏本家私田孰肯聽其荒廢耶先公後私之良臣竟少深可浩歎茲據該御史奏稱查明天津滄州等九州縣官荒地畝除造報升科外尙有未丈地萬頃有奇聲請展限迄今二載仍屬虛懸等語此項官荒並各項入官地畝坐落該州縣境內若果認真查勘何至事隔多年尙未勘報完竣見在直隸候補人員甚多著那彥成於候補之道府丞倅州縣內遴選妥幹能事者數人派令分赴各該州縣將此項官荒地畝詳悉查明其已經勘報者卽行報部升科未經勘報者逐一履勘普行召墾按則升科報部並將各項入官地畝分別變價招佃一併迅速辦理如有奸胥猾吏侵隱霸占從中抗違者查出從嚴懲辦所有派出各員責成專辦

此事毋得另有差委該督酌定期限先將該員等名姓開單具奏
如果能認真查辦妥速肅事俟辦竣後奏明將該員等儘先補用
以示鼓勵儻玩泄從事卽行撤回參處○丙申諭本日戶部等衙
門議覆川省勦辦中瞻對軍需條款內將實需一款議駁均已依
議行矣我朝開國以來無論大小軍務從無帶兵大臣擅取銀兩
什物作爲軍需之事自福康安帶兵勦辦臺灣廓爾喀湖南苗疆
歷次任意恣取犒賞由銀兩綢段以至布匹煙茶無所不備在福
康安當日原係假犒賞爲名於領到後除給賞之外盡皆飽其私
橐以後遂紛紛效尤藉此名目虛糜帑項揆厥由來實福康安爲
之作俑方今戡宇承平自可無兵革之事卽或偶有徵調帶兵大
員總不許擅取官帑以爲私犒報銷冊內將犒賞一項名目永遠
革除如有帶兵大員違禁向承辦軍需之人恣取賞需者卽令承

辦軍需之人據實參奏將帶兵大臣治罪若承辦軍需之人徇隱
濫應除不准開銷外仍將帶兵大臣及承辦軍需之人一併治罪
決不寬貸○丙午諭本月二十日御史果良額奏拾獲匿名揭帖
一封內係訐告禮親王昭槤各款其時朕居齋宮因在 園丘大
祀齋戒期內未卽明降諭旨查辦止將原揭帖交英和密行查訪
其揭帖內有陵辱大臣一款從前朕卽聞昭槤有與景祿爭論之
事二十四日召見景祿詢問據稱伊上年四月內進內接班時方
辰初二刻昭槤以時已巳正向其呵斥維時蘇楞額晉隆亦在內
接班當以景祿辰刻到班並未遲逾向其勸阻昭槤則稱伊與景
祿本有嫌隙並斥言景祿至刑部每審一案總可獲銀一二千兩
等語又據景祿奏昭槤並會面斥尙書景安爲伊家奴才經景安
正言駁斥欲行奏聞爲人勸阻而止卽此二事其陵辱大臣一款

已爲有據又聞伊家管事之人稱爲軍機中堂此一款最重英和並訪得昭槿曾將伊門上人鳴山鎖禁一年又遣人至昌平州拆毀莊頭房屋鈔沒家產並剋扣門上人錢糧等事昭槿以親王如此肆意橫行豈可不加懲辦著管理宗人府王公會同軍機大臣嚴行查問並著英和前赴伊家查起非刑器具及鐵鎖石墩據實具奏○丁未諭禮親王昭槿被訐各款昨派宗人府王公會同軍機大臣查問據昭槿供認各款如與景安爭論王府屬下名分恭嚴此語甚屬狂妄妄自尊大目無君上失爲屏爲翰之義實自暴自棄之徒景安一品大員與王公等同屬朝臣且與昭槿並不同旗非其屬下何得妄行指斥至景祿上班卽或稍遲並前在刑部有婪贓之事昭槿止當據實參奏亦不得出言陵辱至伊於府內濫用非刑見據英和起出鐵鎖鑊錄木椿等件並將受傷之莊頭

程建忠程建義傳案經宗人府王公軍機大臣等驗得程建忠等脊背均用磁瓦岔刺血痕徧體不忍寓目詢係因偏令增租不從卽橫加敲朴以酷濟貪卽此三款已不勝親王之任若係朕之子姪及近支晚輩用此非刑虐下朕必親自重責昭撻著革去王爵交宗人府於空室暫行圈禁其餘應訊各款及一千人證著宗人府王公軍機大臣會同刑部審訊昭撻應得罪名俟全案奏上時一併定擬具奏此旨著上書房照繕存記○戊申諭據方受疇奏豫省拏獲紅鬍匪徒二百餘名請將失察在先之地方文武處分酌予寬免等語紅鬍匪徒久爲地方之害前經降旨令該州縣實力窮除不復究其既往卽如逆案各犯地方官有能拏獲者尙當免其從前失察處分加以獎擢若該省因見獲匪犯究出從前搶劫斃命並私造私藏違禁兇器販私賭博等案歷年未經報官一

一追溯參處則緝捕各員多所瞻顧轉致心生懈弛所有該省承緝各案除正兇未獲應行限緝者仍照例開參外其報獲各案從前失察之地方文武員弁均著加恩免其處分該撫益當督飭所屬認真緝捕除莠安良毋得日久生懈○免山東積年歉收並被賊滋擾之曹縣等二縣逋賦○己酉諭縣課等奏會訊已革禮親王昭槤勒偏莊頭程幅海增租將程建忠程建義非刑酷虐各情此案程幅海之子程建義充當莊頭二年並未欠租兼有長交租錢昭槤因于大海增租謀充莊頭卽將程建義革退並令照于大海加增之數加找二年租銀程建義之父程幅海不從昭槤派護衛柳長壽前往程幅海家搶割莊稼拆毀房屋又將程幅海父子叔姪六人圈禁昭槤自擲磁瓶旋用磁片劃傷程建忠程建義脊背百餘道至於流血昏暈似此以酷濟貪虐我赤子實出情理之

外我國家永不加賦正賦錢糧止於按例催徵每遇水旱偏災仍必加恩蠲緩卽如昨日山東曹定二縣豁免錢糧卽有二十餘萬此外歷年所降恩旨蠲免者殆不可數計蓋損上益下民說无疆全黎庶之身家保國家之根本各王貝勒家衣租食稅亦當仰體此意豈宜分外苛求恣行貪虐昭榷承受世封席豐履厚平日以田租細故在順天府步軍統領刑部等衙門涉訟纍纍而於府第中仍如此非刑虐下實屬奇貪異酷僅止革去王爵不足蔽辜俟結案時仍當治以應得之罪二等護衛柳長壽爲助虐爪牙復侵用入己銀一百兩著卽革退動大刑夾訊嚴審治罪程幅海長交租錢二百九十一千零及被割莊稼變賣錢八百九十三千零並搶毀各項什物及拆毀水植著派秀甯穆彰阿彭希濂往該府照數提取至刑部傳程幅海等當堂給還並罰昭榷出銀二百兩分

賞橫被非刑之程建忠程建義卽予省釋此項地九頃六十畝著卽撤出王府賞給貝子奕純仍令程幅海承充莊頭以示矜恤于大海謀充莊頭從中播弄著革去莊頭交刑部加等刑訊治罪昭捷如此妄爲恐此外尙有別項殘酷款蹟其頭等護衛布音圖德甯俱著解任同該府管事太監劉金磬一併交刑部隔別研訊供詞據實具奏

十二月壬子諭浙江西湖厝棺被賊燒竊一案前據顏檢將獲犯俞瑞祥等審擬具奏經刑部議駁顏檢仍照原審情節奏覆經御史蘇繹參奏特派成格等前往審辦據成格等訊明俞瑞祥壽萬化張阿三三人均非燒竊厝棺正犯係由縣役俞煥等差緝正賊未獲畏懼比責賄屬誣認此案若非特派大員前往查辦幾致以假亂真使正賊轉得漏網成何事體顏檢前任直隸總督卽關茸

不職以致地方廢弛邪教萌熾滋生後遂釀成大案迨由貴州巡撫降補郎中因一時簡用乏人又加恩擢授浙江巡撫顏檢蒙屢次棄瑕錄用之恩自當倍圖奮勉乃仍復因循怠玩無能已極且年已就衰難望振作卽著照部議革職回籍家居閉門思過其率據原招覈轉之杭州府知府嚴榮前任浙江按察使廣慶及未能查出實情之署杭州府知府涂以翰俱著照部議降調○調孫玉庭爲浙江巡撫以陳若霖爲雲南巡撫李鑾宣爲四川布政使劉珪爲廣東按察使

山雲南道遷

○以李堯棟爲貴州按察使

由四川建昌道

遷○甲寅調姚祖同爲山西布政使吳邦慶爲河南布政使○調

明山爲廣東按察使以魏元煜爲浙江按察使

山江蘇蘇州府常鎮道遷

○調

李堯棟爲江蘇按察使毓岱爲貴州按察使○丁巳諭宗人府軍

機大臣會同刑部審明昭槿被訐各款分別定擬具奏昭槿妄自

尊大輒敢陵辱大臣此一款情節最重景祿被其指斥得賊忍辱不行奏辨尙無不合景安係一品大員被昭槤指稱係其屬下爭論名分彼時景安亦知忿怒乃因旁人勸解遂隱忍不行參奏殊屬非是景安著交部議處昭槤利欲熏心貪得無厭將其屬下莊頭人等禁押府內非刑酷虐種種貪暴無狀孽由自作昭槤前已革去王爵著照議圈禁三年以示懲創柳長壽助虐橫行又婪贓入己于大海行賄謀奪莊頭架詞孽覺情節俱尤爲可惡柳長壽于大海著枷號三箇月于二海隨同濟惡枷號一箇月滿日再行發往黑龍江等處當差餘俱照擬完結昭槤以佃租細故輒咨刑部催迫甚至如此案程建義長交租錢仍復捏詞追比實屬倚勢妄爲嗣後各王公等田租永不准咨部催迫各令自行辦理如有違旨咨部者該部除駁回不理外仍卽指名參奏○辛酉諭松筠

等奏辦理孜牙墩謀逆案内各犯一摺松筠前經派往喀什噶爾查孜牙墩一案孜牙墩係謀逆首犯經朕降旨飭令嚴刑審訊卽行凌遲處死乃松筠到彼將兩月始將該犯正法至圖爾第逆莫特前據松筠奏稱係與孜牙墩同謀定擬斬梟請旨辦理朕覈其情節不符降旨令長齡覆訊松筠既經請旨自應候旨遵行乃忽又奏報已將圖爾第逆莫特與孜牙墩一同凌遲處死松筠辦理此事實屬錯謬著革去太子太保仍交部議處○壬戌以輔國將軍麟趾襲禮親王爵○丙寅諭軍機大臣等那彥成奏查明石佛口王姓實係邪教總匪惡根已將傳教之人拏獲審訊大槩情形一摺所辦甚好已另有旨加恩矣滁州石佛口王姓其先世自前明以來倡立白蓮教自稱聞香教主流傳至今二百餘年已閱十輩屢經破案其子孫仍怙惡不悛改教名爲清茶門種種悖逆情

形罪同林方二逆必應照大逆辦理著該督將爲首者照大逆律問擬凌遲派錢臻解交刑部覆審正法集示該逆親屬照例緣坐其餘習教之犯及外省被誘入教者俱照所奏發給回城爲奴至該處王姓族人雖未經習教亦如所請徙雲貴兩廣地方分別安插該督卽研究祝劉等逆切實下落審明後分別定擬奏明辦理其江南湖北河南等省傳教各犯已有旨飭令各該督撫等迅速查拏卽於該省訊明辦理矣○丁卯諭吏部等衙門奏議處刑部積壓本章堂司各官一摺各部院事件俱關緊要朕歷經訓諭令該堂官遇事隨到隨辦應題奏者卽行題奏應引見者卽行引見勿蹈因循疲玩之習諄諄告誡至再至三刑部爲刑名總匯案牘繁多尤當勤敏將事乃本月初九日刑部題本二十三件內立決者多至二十二件人犯多至五十二名總緣平時積案旣多及將

屆封印紛紛趕湊未免草率遂致一時全集且近日該部自請議處之案不一而足如曲朱氏係應擬絞監候永遠監禁之犯誤寫爲秋後處決又本年秋審冊內遺漏二案又題本內十九年誤寫爲二十年又安徽省處決人犯行文遲逾例限種種錯誤卽予刪革亦屬咎所應得但其中亦有區別董誥見在因病告假伊年逾七旬精神不能周到軍機處事務繁多不必管理刑部著改爲管理兵部事務崇祿韓對彭希濂俱係刑部司員出身且常川在署辦事其咎較重崇祿著革去紫禁城內騎馬韓對著革去花翎俱降爲二品頂帶彭希濂降爲三品頂帶伊三人俱革職留任恩甯穆彰阿年力方壯派令兼署刑部召見時諭令其留心學習乃不思奮勉於部務全不究心甚屬可惡俱著降爲三品京堂再觀後效見有大理寺卿一缺卽著恩甯補授穆彰阿著以正從三品京

堂候補盧蔭溥在軍機處事務較繁甚屬盡心暫署刑部不能到署辦事此不過一時疏忽著加恩改爲降二級留任漢本房係專辦題本之處各司交到本章並不分晰勻配具題其咎尤重主事得壽年昌阿隆文俱著照部議革職其各司承辦遲延之候補郎中董斯福員外郎豐伸泰誠節章慶治候補主事趙協中俱著從寬改爲革職留任○以貴慶爲禮部左侍郎署禮部院常福爲兵部右侍郎由副部統遷○己巳諭昨因刑部本章積壓封印期內不能

呈進完竣准令改題爲奏此不過暫時權宜不可爲例若各衙門因可改題爲奏相率效尤恐因循疲玩將來積壓之件愈多不可不加以懲處除刑部堂官及前案已議處各司員無庸再議外著刑部將逾限本章逐一查明將各該司員職名咨交吏部槩行議處○辛未諭向例祈雨祈雪期內俱不進立決本章但祈雨祈雪

原爲京畿附近而設非槩爲直省而祈也嗣後祈雨祈雪期內若立決人犯應在京處決者著無庸具奏如係應在外省處決者則奉旨之後行文該省計奉到時已相距日久俱照常進本著爲令再刑部議覆立決本章期限亦覺太寬著刑部酌議量減具奏候旨遵行○王申諭甘肅藩庫私借無著銀至二十萬餘兩之多皆由歷任藩司瞻徇情面私借私挪毫無顧忌所有歷任正署各藩司除王文湧楊揆廣厚陳祁積功阿盛惇崇業經病故蔡廷衡業已革職外何銑德克精阿俱著卽革職○貴慶以繕摺錯誤降調以文留爲禮部右侍郎由副都統題○乙亥諭陳預奏查明東省泰兗沂登四府屬十五年以後續虧數目一摺東省各州縣虧缺錢糧前據章煦等查明十四年以前共銀三百零五萬五千數十餘兩十五年以後共銀三百三十四萬七千七百餘兩其十五年以後

虧缺之處因無存司檔案可憑恐不免以多報少以少報多情弊當經降旨展限一年令陳預確查具奏茲據該撫將十五年以後虧數內之泰安兗州沂州登州四府屬查明確數共銀九十三萬六千四百三十七兩零開單具奏朕披閱單內如見任蘭山縣知縣朱安國一員名下卽虧銀至六萬餘兩之多其餘數在一萬兩以上者尙有多人此等劣員以國帑恣其慾壑取攜無忌以致閭省虧缺至六百餘萬兩若不從嚴懲辦尙復何所儆懼著將單內所開各員除病故者仍照原議章程辦理外其虧缺在一萬兩以上者俱著革職拿問解交刑部一萬兩以上者問擬斬監候二萬兩以上者問擬斬決將所虧銀數令刑部分別定限較例限加緊奏明監追限內全完貨其一死釋放永不敘用其逾限不完者刑部於限滿日按名具奏請旨立卽處斬斷不寬宥其數在五千兩

以上以下者仍照例在任著追依限歸補吉綸同興俱久任山東
巡撫廢弛貽誤至於此極俱應發往吉林姑念同興前歲究出逆
首林清由驛馳奏尙有微勞吉綸著卽發往吉林同興著發往盛
京交普恭等派在工程處效力朱錫爵係該省藩司厥咎尤重伊
名下共有罰賠銀十一萬五千六百餘兩除已繳過三萬六千兩
外尙有未完銀七萬九千餘兩著勒限三年完繳後發往烏嚕木
齊充當苦差如限滿不完交部治罪○諭那彥成奏查明直隸省
初二兩次及三次清查倉庫案內已未完銀數一摺直隸省三次
清查虧欠各員前經立定期限處分分別任所旗籍催追乃據該
督所奏初二兩次案內十九年止完銀七百五十兩尙未完銀九
十六萬一千九百兩零三次案內十九年止完銀一千二百九十
六兩尙未完銀九十四萬四千九百兩零似此任意拖延帑項迄

無歸補之日著該督將本省勒追各員查明限滿未完者卽分別
監追治罪並咨行各旗籍一體勒限嚴追毋稍寬縱見經降旨將
山東省虧缺倉庫各員一萬兩以上者俱革職拏問解部問擬大
辟勒追嚴辦此後直隸各州縣如有新虧者卽著照此例辦理○
刑部遵議量減立決本章期限一摺得旨向來刑部屆秋審時因
呈進黃冊遂將各項本章減數呈遞黃冊於進呈後留中朕不時
披覽與每日閱看本章兩不相妨嗣後秋審時刑部各項本章著
照常呈遞無庸減數至每年開印後三日刑部向不進本章著減去
一日於開印後第三日進紙張本第四第五日進輕罪本以後陸
續加數呈進其齋戒祭祀月朔日忌並各項應行回避不進刑名
本不進決本日期亦應酌減著刑部查明開單具奏候旨遵行尋
奏上得旨刑部將不進刑名本及不進決本日期開單呈覽嗣後

冊封妃嬪日及朝審旬到日俱准進刑名本祭 先蠶壇日准進
立決本自小暑節至立秋日止不進見審立決本自大暑節至立
秋日再停進直隸山東山西河南盛京五省立決本餘均照舊例
行○丙子諭前據馬慧裕等奏湖北江陵縣知縣捐升知府李若
璋請加捐離任留楚委用當經降旨准行茲經吏部查明該員任
內有承緝展參各案均干降調與報捐離任之例不符請旨查銷
所駁甚是殊爲可嘉直省各督撫具奏事件不將例案原委聲明
朕安能一一鑒悉若一經奉旨允准雖與例格礙之事亦皆遷就
奉行轉非都俞吁咈並行不悖之意吏部駁奏此案朕不特不以
爲非尙且加以嘉獎各部院皆當引以爲法所有李若璋捐升知
府著註銷令其仍回江陵縣知縣之任馬慧裕係吏部司員出身
此等定例豈得該爲不知乃與張映漢聯銜具奏實屬蒙混馬慧

裕張映漢均著交部嚴加議處○丁丑諭軍機大臣等前因甘肅省虧缺倉糧特派景安朱理前往查辦並令先福督率藩司嚴烺協同該欽差等辦理茲復據嚴烺奏該省各屬有續虧銀一百萬兩有零先經督臣先福奏請檄委隔屬道員互查結報尙未報齊等語甘肅倉糧既已空虛庫銀又復虧短敝壞已極均應徹底查辦皆因近年所用大員因循疲玩所致實皆朕不明之愆著景安朱理先福卽督同嚴烺將各州縣倉庫實數一併查明大破情面和盤托出其係何年月日總督藩司任內之事據實分晰久暫正署由五百里具摺嚴參有贓私入己者亦一併參出所有虧空州縣卽照昨降諭旨辦理山東虧空之例除銀數在五千兩上下者仍准在任著追依限歸補外其虧空至一萬兩以上者俱革職鞫問一萬兩以上問擬斬監候二萬兩以上者問擬斬立決將所虧

銀兩勒限監追限內全完貸其一死釋放永不敘用逾限不完者按名具奏卽行處斬正法之員所虧之項亦卽豁除無庸再行攤賠以杜藉口貽累此次既將閩省倉庫通行確查定案諒非兩月所能竣事其嚴煥交代展限以查明奏出之日爲度亦不必拘定兩月也朕又訪聞得德克精阿時常餽送食物等項高杞任內恐亦不免密訪的確具奏○是歲朝鮮暹羅琉球來貢○會計天下民穀數各省通共大小男婦三萬二千六百五十七萬四千八百九十五名口各省通共存倉米穀三千八十萬二千八百六十九石九斗一升七合五勺

東華續錄

嘉慶四十一

臣王先謙敬編

臣周潤蕃恭校

嘉慶二十一年丙子春正月丙戌諭本年元旦乾清宮筵宴宗親輔國公縣懋於本席誤將食碗拂墮彼時朕已目覩並未降旨查問迨至養心殿移時奏事太監曹進喜口奏慶郡王永璘進內向伊告知本日筵宴時縣懋就席稍遲經奕紹推令入座縣懋一時慮遽致將食碗拂墮奕紹並無他意令節典禮有此失錯將如之何勵令口奏等語朕但諭以明日遞摺請罪一言次日永璘率縣懋奏請議處本日宗人府奏上請將縣懋罰公俸六箇月永璘罰職任俸三箇月已依議行矣向來遇有各項筵宴與宴臣工於席間失墮器皿亦事所時有此次縣懋偶有失誤若照例自請議處

則失儀小過朕但將縣懸示罰永璘儘可加恩寬免乃永璘先令曹進喜面奏其咎實在於此不能不加以薄懲我朝設立外奏事官員接收章奏再交內奏事太監捧進該太監等不過供奔走呈遞之役其所奏之事毫不許其與聞原以防閑寺人等與外廷諸王臣工交接杜漸防微最爲良法美意朕之皇子皇孫面見奏事太監口奏事件則可永璘係藩王則大不可今永璘輒以細事面屬奏事太監口奏事屬違制此端斷不可開朕又聞近日在內行走諸王往往在內奏事太監處所閒坐探聽內事尤屬非是朝廷內外各有限制軍機大臣係內廷行走常川召見之人非遇公事從無至內奏事處者諸王與奏事太監有何交涉而數數往來其意何居必欲探聽是誠何心嗣後在內廷行走之儀親王成親王慶郡王永璘肅親王永錫遇有應奏事件俱在乾清門外及出入

賢良左門交外奏事官員呈遞不准徑交內奏事太監其奏事太監亦不准接收非遇召見及帶領引見朕在宮時不准進乾清門在圓明園不准進左門其有無故進內至內奏事處者著御前大臣會同內務府大臣奏聞候旨此旨著鈔錄一通交內奏事處永遠張貼並令儀親王成親王慶郡王永璘肅親王永錫各錄一通敬謹閱看○丙申諭軍機大臣等百齡等奏凌汛工程平穩一摺河工爲國家重大之務上年三汛安瀾兆民樂業國用亦多節省朕召見吳璥據云此次河底淘刷漸深可保十年無事吳璥所言如此百齡等在彼目擊情形自亦相同但不可因此遂心存自滿天道戒盈百齡等總當常存敬畏思全河大局關繫國計民生者甚鉅刻刻加意修防方能有備無患見在河口海口俱各通暢湖水高於黃水二尺有餘足收敵黃之效運河水勢深通重運首幫

早已渡黃事機極爲順利此時要務惟當將兩岸隄埝逐處留心查看如有單薄殘缺之處卽時補築務令一律鞏固雖無工處所亦不可大意平時補苴罅漏所費錢糧不過千百而太平無事則所省者不可數計該督等常念未雨綢繆防患未然自能永慶安瀾也○壬寅諭軍機大臣等喜明奏接到廓爾喀來稟遵旨駁飭一摺此次廓爾喀來稟內有見在於天朝進貢若投誠披楞就不能容我與天朝進貢等語其詞實屬狡詐喜明等所與檄諭措詞猶未得當應指出紕繆之處責以大義以該國久經投誠卽爲天朝臣僕如屆期不行進貢卽屬背叛若將此稟奏聞大皇帝必然震怒立即興師討罪是以不敢具奏爾國來稟之意不過要求天朝幫助但天朝於邊外部落彼此相爭從無發兵偏助一國之事爾國與披楞或和或戰卽或竟投誠披楞天朝總置不問但居至

貢期仍當按例進貢儻至期不來卽當奏聞大皇帝發兵進剿彼時爾國追悔何及至爾國境內天朝無駐兵之理若係唐古特邊界自有大兵鎮守披楞斷不敢窺伺儻敢侵及邊界立卽剿殺諒披楞么麼小國何能爲患如此嚴詞飭訓自可破其奸謀但喜明等於各處邊界不可不加意防範儻披楞之兵竟敢輾入邊界俱屬不成事體此時各卡隘原設之兵殊不足恃喜明等卽於該處漢番官兵內挑選數百名派得力曉事將弁兵丁帶領移駐該一帶地方鎮靜彈壓隨時偵探如有越界擾及者無論披楞廓爾喀卽當痛加剿殺以振邊威見已降旨令賽冲阿攜帶欽差大臣關防前往西藏察看情形賽冲阿到彼後凡藏內一切事宜著與喜明會同妥協辦理○丙午諭三載考績爲國家激揚大典朕釐工熙績統計三年功過以示甄別見在京察屆期吏部將京外各大

員開單具奏朕詳加覈定大學士松筠近年以來辦事漸覺任性
改常凡所陳奏亦多窒礙難行雖不至卽予罷黜無庸給予議敘
大學士董誥托津在軍機處承旨書諭夙夜宣勤兼綜部務悉臻
妥善大學士曹振鏞總理工部兼管三庫事務均屬妥協協辦大
學士兵部尙書明亮年逾八旬精力尙健辦理兵部事務毫無舛
誤協辦大學士吏部尙書章煦前署直隸總督緝獲逆案要犯多
名辦事認真兵部尙書吳璥督辦雖工經理完善戶部侍郎盧蔭
溥在軍機處承旨書諭甚屬盡心俱著加恩交部議敘吏部尙書
英和戶部尙書劉鐸之辦事均各奮勉但英和兼任步軍統領刻
緩之兼管順天府事務皆有督緝之責年來所獲僅係餘犯於飭
緝要犯迄未報獲一名此時朕不將伊二人罷黜降罰已屬施恩
不能再邀甄敘兩江總督百齡江南河道總督黎世序於南河事

務經理得宜工程鞏固從此可以長保安瀾百齡並能捕獲逆犯方榮升銷除鉅案河南巡撫方受疇總覈倉庫錢糧並訪獲紅鬚匪犯數百名山東巡撫陳預清釐積案督催倉庫錢糧均屬認真俱著交部議敘餘俱著照舊供職

二月壬子 上御經筵○乙卯諭向來各項引見人員內有大員

子弟皆不聲明朕無由知悉逮簡用後其父兄具摺謝恩朕始知之嗣後無論京察軍政及京外各項引見人員內凡滿漢文武二品以上大員子弟俱著自行呈報引見時於緣頭籤內註明如有漏報者查出交部議處○甲子諭前據那彥成奏在樂陵甯津交界地方拏獲次要逆犯劉玉澂見已解部審訊實係正犯本日陳預奏接據樂陵縣稟報訪得該縣境內小宋家莊有來歷不明之劉姓會營率領兵役前往查拏已被直隸甯津縣差役獲去當將

窩留劉姓之宋丑呂廷等拏獲並起獲畫虎一幅鐵錘一箇等語
劉玉澂係久經飭緝要犯在該縣境內一年之久作磨畫虎教習
拳棒公然與人交結往來並非潛匿地窖山洞可比該縣平日編
查保甲訪緝逆蹤所辦何事今該犯已爲鄰境拏獲率將虛詞稟
報以冀彌縫實屬可鄙可恥前經屢次降旨令陳預飭屬緝拏要
犯並諭以如果拏獲卽係從前久匿境內不但免其失察之咎仍
予恩施原指各州縣自行拏獲者而言若久經窩留境內毫無見
聞經鄰境差人捕獲則其咎豈能寬貸樂陵縣知縣唐縉良著革
職拏問交陳預審訊擬罪具奏陳預此次京察予以交部議敘原
因其在山東巡撫任內二年辦理認真今於所屬境內窩留逆犯
漫無覺察卽應交部議處姑念平日辦理本省地方事務尙無貽
誤著將京察議敘之處註銷免其交議○甲戌 上啓鑒調 東

陵○免經過地方額賦十分之三○丁丑 上謁 昭西陵 孝

陵 孝東陵 景陵 裕陵回鑾○己卯以繼昌爲雲南布政使

恆敏署陝西按察使

由太僕寺少卿署

○庚辰 上還京師

三月壬午諭貝子奕純自幼在上書房讀書甚爲誠樸茲遽聞溘

逝深堪憫惻著加恩賞給陀羅經被派載銓齋往賜奠仍由廣儲

司賞銀二千兩治喪伊子載錫係 皇考高宗純皇帝五世元孫

載錫生時曾蒙 特恩將奕純晉封貝子且因鍾愛載錫賦詩眷

注並幸伊家看視今若照例將載錫降襲公爵朕心實有不忍自

應仰體 皇考高宗純皇帝慈愛之意載錫著加恩再襲貝子一

次○癸未以同麟爲內閣學士

由大理少卿遷

○以陳觀爲太僕寺卿徐

所爲陝西布政使海齡爲湖南按察使

由太僕寺卿遷

○丁亥

上親耕

藉田○戊子諭本日節屆清明朕恭詣

壽皇殿瞻禮

神御因

憶嘉慶己巳朕五旬正壽之年清明日恭謁

裕陵行數土禮並

舉 隆恩殿大饗及今已越七載朕春秋五十有七自問精力康

強如昔敬擬己卯朕六旬正壽之年仍恭謁 裕陵躬行數土禮

並舉 隆恩殿大饗朕非敢於過禮敬念仰承 皇考高宗純皇

帝付託之重丙辰年 親御太和殿授璽又復 訓政三年罔極

慈恩實爲亘古所未有朕孤慕之懷與年俱益計惟捧土 珠

邱藉可稍申忱悃著禮部太常寺將此旨存記屆期奏請親詣行

禮令各該衙門敬謹豫備○庚寅 上啓鑾謁 西陵○免經過

地方額賦十分之三○壬辰調帥承瀛爲刑部右侍郎戴聯奎爲

吏部右侍郎○丁酉 上臨慧愍固倫公主園寢賜奠○戊戌

上謁 泰陵 泰東陵至 孝淑皇后陵奠酒回鑾○辛丑 上

臨故大學士朱珪墓賜奠○乙巳 上閱健銳營兵○丁未 上

還京師○戊申會煥以母老乞養允之以文甯爲貴州巡撫多甯

爲禮部右侍郎

由左副都御史遷

夏四月壬戌刑部奏審擬直隸民婦王李氏因姦毆偏伊媳身死一案得旨明刑所以弼教此案即復興與王李氏通姦經李氏之媳香兒窺破李氏欲抑令香兒同陷邪淫與郎復興相商郎復興以香兒性傲止好先向探試之言回覆嗣李氏令香兒與郎復興斟酒香兒不從李氏將香兒毒毆致香兒服瀉自盡詳覈案情郎復興既有先向探試之言是已有圖姦香兒之心以致釀成命案即同羞忿自盡李氏例不擬抵實發新疆爲奴若照部議將郎復興減爲杖流出於何典實屬疏縱香兒貞烈捐軀竟無抵命之人殊不足以懲姦邪而維風化郎復興著改爲絞監候入於朝審情實辦理嗣後有案情似此者均照此例問擬○內閣學士那丹珠

緣事降調○乙丑王宗誠以親老乞養允之調姚文田爲禮部右

侍郎以曹師曾爲兵部右侍郎

由內閣學士遷

○以昇寅爲左副都御史

由太僕寺卿遷

○辛未刑部等衙門奏審明領催寶瑛聽從母命帶子投

河擬罪一招得旨律設大法案關倫紀法司不能不依律擬罪而情節重輕其間實大有區別朕斟酌權衡則必使歸於至當此案寶瑛聽從伊母連伊子三人一併投河自盡伊母淹斃而寶瑛被救得生刑部將該犯問擬斬決法固如是惟朕詳閱案情寶瑛於母老劉氏素無違忤情事老劉氏因積娶媳小劉氏瘋病不能料理家務貧難過活起意自盡寶瑛再三勸解不從以情願同死之言答覆是寶瑛不欲獨生實有以身殉母之意次早伊母攜孫出門伊慮及追往伊母誑稱閒遊至晚伊母執意投河寶瑛又跪地哀求伊母聲言再向阻擋卽係不願同死揮之使去寶瑛不敢分

辨甘心併命其三人手腕亦係老劉氏自行拴繫是寶瑛以身從死實屬計無復之情實可憫至汎兵撈救後三人中惟寶瑛一人得生轉在意料之外推原寶瑛當日從死之心實爲無罪寶瑛不必問擬斬決著卽釋放聽其依守伊母墳墓永不准挑取差使至小劉氏雖係瘋病無知但伊姑老劉氏及幼子圖塔布兩命之死實由伊所致小劉氏應照瘋病殺人例問擬斬監候永遠監禁○以松甯爲理藩院左侍郎

由西甯辦事大臣遷

○癸酉 皇后行躬桑禮○

乙亥諭張師誠奏伊父病勢危篤見將江蘇巡撫印務交藩司代辦卽日起程歸省由驛具奏一摺實屬絕無僅有之事誕妄極矣張師誠身係巡撫封疆責任綦重伊父病旣危篤卽應早先陳請開缺回籍省視朕必加恩允准乃該撫並不豫爲之計接到家信輒將巡撫印務交藩司代理徑自起身回籍伊籍隸浙江湖州距

蘇州甚近若他省督撫大吏等距家遙遠者亦如此效尤豈不以私廢公耶至驛遞原爲緊要公務而設凡無關緊要事件擅發驛遞者尙干吏議張師誠所奏伊父患病情形係伊家事輒由驛馳遞實屬冒昧張師誠著交部嚴加議處尋革職○調胡克家爲江蘇巡撫以康紹鏞爲安徽巡撫韓克均爲安徽布政使賞廣慶四品頂帶爲雲南按察使

降調貴州按察使

五月庚辰朔以陳觀爲內閣學士

由太僕寺卿遷

○甲申誠安以失察其

子和慶包訟得賊降左副都御史以昇寅爲盛京禮部侍郎

由左副都

御史

○丙戌以穆彰阿爲內閣學士

由光祿寺卿遷

○辛卯吏部奏議處

左都御史茹棻等失察子弟貨緣受賄一摺得旨都察院衙門職司風憲尙當察弊除奸乃左都御史茹棻給事中李培元於伊子茹壽彭李之琯擅訟受財毫無覺察雖賊數無多其平日不能管

東咎無可辭著照部議茹棻降二級調用李培元降四級調用四
川松茂道黃恩宸雖遠任外省其子黃華攬訟滋事平日失於教
導著降一級調用○以馬慧裕爲左都御史孫玉庭爲湖廣總督
調張映漢爲浙江巡撫以楊護爲湖北巡撫調陳桂生爲江蘇布
政使以李堯棟爲江甯布政使伊什扎木素爲江蘇按察使

由江
南河

庫道

○丙申諭昨經降旨令內外緝捕衙門將派出訪緝逸犯委

員槩行撤回責成該地方官各就本境認真緝拏原以齊民編戶
比櫛而居由一甲一里以至州縣府廳境址愈近則耳目愈真不
似各委員越境訪查徒勞罔益卽如本案首逆林清係步軍統領
衙門官役擒獲其宋家莊董村等處從逆各犯亦皆由本管文武
衙門按名捕誅至李文成牛亮臣徐安輞則係官兵殲捕馮克善
一犯逃至獻縣亦由本管知縣張翔立時盤獲其各衙門越境四

出之委員三年以來從未獲一正犯其閒誣指妄拏者轉不一而足朕不忍以爲民除害之心致成擾民之舉特行降旨停撤此視民如傷之心當亦天下黎元所共見也爾小民具有天良食毛踐土久享太平於此等梟獍之徒諒必矢切同仇懷不共戴天之憤著各該督撫轉飭各州縣徧行曉諭凡保甲冊內十家爲牌一牌十戶令其互相稽查如有形迹可疑之人卽行首報到官能將逆犯捕獲不但首報之人賜金授職其同牌十戶一併酌加賞賚若窩留逆犯不行舉首經地方官訪聞捕獲窩藏之家卽與叛逆同罪其同牌十戶一併連坐卽有先會習教之家見經悔悟能將逆犯縛送或指告到官捕獲者其習教之罪一切弗問仍給與厚賞若容隱窩留別經發覺則罪上加罪刑茲無赦朕愛民如子志在翦除逆孽以安良善凡我兆庶尙其懷茲明訓共勵尊君親上之

心效忠殄惡以稱朕意將此通諭知之○戊戌諭軍機大臣等賽
冲阿等奏商辦廓爾喀披楞交兵演果一案先行馳檄詰責隨帶
兵前越邊境脅以兵威一摺所奏實屬妄誕之至此大令賽冲阿
帶兵越藏原爲嚴防邊界並令該將軍到藏以奉旨詢問達賴喇
嘛呼畢勒罕爲名不可稍露風聲乃賽冲阿竟不欽遵辦理輒首
先出名將讓路阻貢之詞分馳二檄詰責廓爾喀披楞其詰責廓
爾喀之詞已屬糊塗無理至詰責披楞則謬妄更出情理之外如
披楞接到檄諭該國王以讓路阻貢之言係廓爾喀捏稟懇請天
朝發兵其將何以應之若恃其險遠竟承認伊向廓爾喀曾有此
言又豈能因此一言卽大興師旅窮兵黷武乎至廓爾喀屢次投
稟請兵請賞今接到檄文卽回稟以前此屢稟駐藏大臣未蒙轉
奏今聞大皇帝特差將軍帶兵前來感恩歡喜其讓路阻貢之言

實係披楞所說懇請天朝發兵萬里遠征國家何所爲而出此若
如賽沖阿等檄諭所言我兵兩路進搗陽布檄飭披楞攻其南面
則廓爾喀臣順多年不恤其難轉率同外夷夾攻其地堂堂天朝
大體安在賽沖阿此舉首鼠兩端進退無據朕惟自恨誤用無能
奴才之咎曷勝憤懣看來伊因朕派令赴藏卽妄起貪功之心欲
搆成邊釁以邀爵賞而置國家大局於不顧是誠何心太不度德
量力矣况如此重大軍情不待奏聞先行馳檄其專擅之咎亦無
可辭賽沖阿著傳旨嚴行申飭先拔去雙眼花翎降爲一品頂帶
喜明珂什克並不阻止隨同會銜俱著降爲三品頂帶喜明並拔
去花翎見在檄諭已發料難追回惟有靜候該二國回稟再行覈
辦其回稟齎到時賽沖阿等卽將原稟譯出不許增減一字候朕
指示辦理彼時邊疆靜謐賽沖阿卽帶兵徑回成都喜明自回前

藏此時惟有嚴防邊境待以鎮靜不許輕舉妄動若賽冲阿等再妄發檄諭或帶兵擅出邊界激成釁端朕必將賽冲阿革職拏問從重治罪○丙午原任禮部尚書王懿修卒遣慶郡王永璘往奠茶酒予祭葬諡文僖○丁未御前大臣喀爾喀賽因諾顏扎薩克親王固倫額駙拉旺多爾濟薨遣御前大臣索特納木多布齋等往奠茶酒賞銀二千兩治喪

六月庚申調那彥寶爲戶部右侍郎轉熙昌爲刑部左侍郎調成格爲刑部右侍郎

由戶部右調

○調盧蔭溥爲戶部右侍郎姚文田爲戶

部左侍郎黃鉞爲禮部右侍郎

由戶部右調

○壬戌調張映漢爲湖北巡

撫楊護爲浙江巡撫○庚午諭十八年九月逆匪林清句約李文

成來京滋事經滑縣知縣強克捷訪破逆謀將李文成獲案嚴刑拷訊逆黨牛亮臣等知事已敗露糾夥劫獄將強克捷全家戕害

而李文成刑傷甚重遂不能剋期赴約逆首林清尙遲疑株待因得迅就捕誅是強克捷不獨訪獲所屬境內逆匪兼能破敗林清等勾結奸謀厥功甚大前經賞給騎都尉世職令伊長子強逢泰承襲茲據強逢泰以自幼未習弓馬恐誤差操呈懇改就文職雖與兵部奏准定例不符惟強克捷功烈偉著不能拘以常例朕褒卹忠靈破格施恩強逢泰著准其改就文職以六部主事補用○癸酉寶興綠事降調轉多山爲禮部左侍郎調廉善爲禮部右侍郎以恩甯爲盛京工部侍郎由大理寺卿遷○丁丑諭錢局匠役係微末小人貪得無厭是其常態全在該侍郎等平日督率監督申明約束此次工局增復料錢本係賞給鑪頭之項該匠役等妄生覬覦卽屬不安本分自當立予責處枷示俾知懲創佛住等率領司員齎旨發交閱看辦理已失之輒弱及該匠役等仍不遵奉將該司

員監督等留於局內關閉局門求索不已其時並欲該侍郎等到局設佛住等進局亦被遮留更復成何事體該匠役似此貪昧肆妄佛住等並不據實奏交刑部治罪輒將增復料錢蒙混奏請酌成分給調停了事朕屢次召見詢問工局情形佛住等均奏稱極爲安靜希圖掩飾實屬因循疲玩已極似此庸碌具臣斷難姑容佛住吳烜著照部議卽行革職以爲滿漢侍郎不實心任事者戒○調普恭爲吏部右侍郎以誠安爲工部右侍郎由左副都御史遷○轉

戴聯奎爲吏部左侍郎調王鼎爲吏部右侍郎陳希曾爲工部右

侍郎轉帥承瀛爲刑部左侍郎調朱理爲刑部右侍郎以陳觀爲

倉場侍郎

由內閣學士遷

○原任大學士慶桂卒遣員勒奏紹帶領侍衛

十員往奠茶酒予祭葬諡文恪○戊寅欽差戶部尙書景安等奏

參甘肅前任總督那彥成商同藩司浮銷賑銀並運送糧石腳價

蒙混具奏各情弊一摺得旨著托津禧恩馳驛前赴保定傳旨將
那彥成革職鞫問解京交大學士戶部刑部會同嚴審定擬具奏
那彥成之子容照容恩俱著革職○以方受疇爲直隸總督調阮
元爲河南巡撫以錢臻爲江西巡撫調姚祖同爲直隸布政使以
習振翎爲山西布政使富綸爲山西按察使

由雁平
道遷

閏六月癸巳續纂祕殿珠林石渠寶笈成○甲午諭本日都察院
奏據山東商人高恆立呈控沂水蒙陰兩縣梟匪聚眾搶奪自十
八年十二月至本年五月戕斃巡役割耳挖眼以及搶店毀塔截
劫派買擄辱婦女控告到官者共有七十二案陳預於十九年九
月到山東巡撫之任其前此地方廢弛尙得諉爲同興之咎陳預
接任將及二年地方兇徒恣行不法至於如此伊誰之辜無怪飭
緝要犯日久不獲劉玉澄匿境一年茫無覺察及究出祝劉二逆

竊留蹤迹又不能迅速成擒一味因循怠玩毫無整頓封疆大吏
所司爲何事乎方受囑巡撫河南與陳預均在十八年之後豫省
拏獲紅鬍匪徒審明嚴辦者共有七百餘名奸宄斂戢閭閻安枕
特將伊擢授總督其委往督緝之臬司琦善亦賞戴花翎隨同出
力府縣各員並准令登諸薦牘奮發有爲者賞以旌功委靡不振
者亦罰以當罪陳預著革去花翎降爲三品頂帶責令戴罪自贖
勉力速拏要犯以蓋前愆該商人呈遞梟匪擾害地方節略著發
交閱看令其自知愧恥所有沂蒙二縣各案梟匪卽督飭文武員
弁勒限按名捕獲嚴審定擬具奏該撫經此次訓誡之後儻仍不
知愧奮廢弛怠玩必當重治其罪不能姑恕言出法隨決不容此
庸劣具臣貽誤封疆愼之○以茹棻爲內閣學士降調左○以明
興阿爲左副都御史由太僕寺卿遷○戊戌諭本日朕恭閱 聖祖仁皇

帝實錄康熙二十六年宗人府題多羅平郡王納爾圖打死無罪人羅米又折楊之桂菩薩保二人手足應革王爵監禁得旨納爾圖著革去王爵免其監禁欽此因思上年冬閒禮親王昭槿將其屬下莊頭人等禁押府內非刑酷虐經管理宗人府王公軍機大臣刑部會同審明革去王爵擬以圈禁二年朕彼時未曾記憶此旨以縣課等係照例定擬卽依所擬行今思納爾圖從前打死平人又折二人手足尙恩免監禁昭槿雖濫用非刑其被虐之人究未斃命較之納爾圖尙覺稍輕朕敬承家法著加恩將昭槿釋放甯家○庚子諭那彥成前在陝甘總督任內與已故藩司陳祁商同那移賑銀並捏奏捐廉等情前經大學士等會訊俱已供認惟陳祁提入內署銀二萬四千兩尙無著落見在降旨確查將那彥成監禁聽候擬罪惟聞伊母到京患病沈篤那彥成係

大學士阿桂之孫十八年勦辦滑城賊匪亦有微勞伊係獨子經
伊母守節撫孤至於成立朕不忍令其母子兩地摧心特破格施
恩給那彥成十日之假令其回家省視伊母如十日期內伊母病
已痊愈仍令進監待罪儻伊母病有不測准其在家穿孝數日再
赴刑部監禁著刑部侍郎成格將此旨宣諭那彥成卽帶伊回家
另派刑部滿漢司員各一人在伊家住宿看守其住宅前後著步
軍統領衙門派兵十名加意巡邏不准那彥成出門與外人相見
亦不准外人前往看視○壬寅調章煦爲禮部尙書戴均元爲吏
部尙書○丁未諭直省沿海地方如廣州福州浙江之乍浦江南
之京口俱設有水師駐防其綠營在各沿海省分者設有外海水
師歲時操演按期會哨定制周詳天津爲畿輔左掖大沽等海口
直達外洋從前曾建設水師駐防後經裁撤該處拱衛神京東接

陪都形勢緊要自應參考舊制復設水師營汛以重巡防其應如何分駐滿漢官兵增設統轄大員及一切建置事宜操防規制著大學士軍機大臣會同該部詳細妥議具奏